



CANTIQ SPIRITUEL,
EN HENOR D'AN ITRON VARI
AR GOZ-YEAUDET.

tri v'ina

Var ton : Noel, Pastoret.

TAD ETERNEL, me o supli
Da zont brêmâ d'am exoci :
Ar c'hiac a c'houlennân da ober
Eur vers a vo spirituel.
Gloar da Verc'hes ar Gos-Yeaudet,
Melodi d'he Mab benig'et.

Me goms dêc'h a ur plaç santel
Zo situet en Bac-Leguer,
En henor d'ar Verc'hes Vari,
Ar g'enta ilis so grêt dezi.
Gloar d'ar Verc'hes, etc.

Hep choqi bro nac escopti,
Assur en Treg'er emedi
An anciena plaç santel
D'ar Verc'hes sacr, mam hor Zalva.
Gloar d'ar Verc'hes, etc.

Er bla daouzec ha tri-ug'ent,



2

Goude maro Roue ar zent,
E oue batisset ar Yeandet,
En honor d'e vam benigiet,
Gloar d'ar Verches, etc.

Dre an ali un den santel
E tisqennas en Breis-izel
Qenta escop en Iexobi,
Disqib Joseph Arimathi,
Gloar d'ar Verches, etc.

Dre Vro-Saos e oa tremenet,
Breis-meur oa d'ar c'houlis-se hanvet;
E Montroulez e tisqennas,
Ha tout eno a gontvertissas,
Gloar d'ar Verches, etc.

An den santel-se, Drenalus,
Zo deut a benn, dre chiac Jesus,
Da gontvertissa oll Montroulez,
En fe vad hac en santelez,
Gloar d'ar Verches, etc.

Neuse e eure e Montroulez
Un ilis gaer da Sant Jacques,
Ha batissa er ru Feunteun
Eur groas hanvet Croas al Letern,
Gloar d'ar Verches, etc.

Da Iexobi e teuas neuse,
Da brezegi lezen Doue;
Grac Doue die e sermoniou,
A douche o oll c'halonou,
Gloar d'ar Verches, etc.

Pa voant gantan convertisset,

E savas ilis ar Yeaudet ;
 E cassas neuse eul liser
 Da escop an Neonet, Sant-Clær.
 Gloar d'ar Verc'hes, etc.

Sant Lin a oa pab dar c'houlse
 Er gær a Rom, dre urz Doue,
 En devoe joa bras o clêvet
 E oa Drenalus er Yeaudet.
 Gloar d'ar Verc'hes, etc.

Revelet a re ma Doue
 D'an tri den santel bemde
 Prezec d'ar bobl ar guir lezen,
 Hac ar relijion gristen.
 Gloar d'ar Verc'hes, etc.

Vitellus a voa ive neuse
 Impalaer e Rom dar c'houlse,
 Hac a vassacte ar gristenien
 Abalamour do guir lezen.
 Gloar d'ar Verc'hes, etc.

Goude an tirant-se e teuas
 Impalaer Constantin ar bras,
 Hac a lesas ar gristenien
 Da zerchel mat do guir lezen.
 Gloar d'ar Verc'hes, etc.

Goude maro'n otrou Sant Lin ;
 Oe pab e Rom, dre c'hraç divin,
 An den santel Melchidias,
 Choaset gant Doue dre e c'hraç,
 Gloar d'ar Verc'hes, etc.

Ennes en devoa consacret

Gunael escop er Yeaudet,
 E hanvas ilis cathedral,
 E c'houde d'an disqibien all.
 Gloar d'ar Verc'hes, etc.

Pa oe Gunael consacret
 Escop ebars er Goz-Yeaudet,
 E commandas lemel er mes
 An idoiet eus an ties.
 Gloar d'ar Verc'hes, etc.

Hac ober cavet en pep ti
 Un imach eus ar Grucifi;
 Ar Verc'hes, ar Famill santel,
 Portrejou an oll Ebestel.
 Gloar d'ar Verc'hes, etc.

Nombr bras a esqeb a so bet
 En Lexobi, er Goz-Yeaudet:
 Daouzec escop ha tri-ug'ent,
 Erve rapport, buez ar zent.
 Gloar d'ar Verc'hes, etc.

Sant Tual ive a so bet
 Escop ebars er Goz-Yeaudet:
 Sant Hogmel ha Sant Ruellen,
 Hac un nombr bras a sent ouspen.
 Gloar d'ar Verc'hes, etc.

C'hoec'h blas ha tri-ug'ent eo bet
 Sant Tual escop er Yeaudet,
 Hac eno e oe enterret
 Gant peb honor ha peb respet.
 Gloar d'ar Verc'hes, etc.

Goude e eure miracloù,

Ma oe savet e religou :

Ar re-se a oe sovetet,

Pa oe Lexobi distrujet.

Gloar d'ar Verc'hes, etc.

Pa oe distrujet Lexobi,

Oa Caranus escop enni,

Er bla seis cant unan ha seis,

Erve ma raport Histor Breis.

Gloar d'ar Verc'hes, etc.

Hasterin a deuas gant listri

Eus an Danemarck da Lexobi,

Hac en deus - v assiejet

Cant pêvar mil a zoudardet.

Gloar d'ar Verc'hes, etc.

Nao mis e oe neuse gante,

O clasq abordi varneze;

Pa n'alle get antren enni,

En deus concluet he dêvi.

Gloar d'ar Verc'hes, etc.

An habitantet eus a gær,

Pa en em voelont en danjer,

O deus sonjet en em renta,

En esperanç treti ganta.

Gloar d'ar Verc'hes, etc.

Hasterin, an tirant cruel,

Evel ma antreas en gær,

A gommanças da vassacri

Ar gristenien dre m'o c'hifi.

Gloar d'ar Verc'hes, etc.

Goude e pillas an oll vadou,

Deus an ilis an tensoriou;
 Nemet religou Sant Tual,
 Ech ejont oll gant an dud fal.
 Gloar d'ar Verc'hes, etc.

Ar re-se a oe sovetet,
 Da Chartr en Bauc e oent casset,
 Gant an escop-se Caranus,
 Evel miracl, dre grac Jesus.
 Gloar d'ar Verc'hes, etc.

A Dol e teuas un arme
 Da ober dê mont achane;
 Mes, allas! pa int aruet,
 E oa Lexobi destrujet.

Goude, Caranus a varvas,
 Er gær a Franc e tecedas,
 Hac e chomas ar Goz-Yeaudet
 Neuse hep caout escop ebet.
 Gloar d'ar Verc'hes, etc.

Ar prinç Momen, roue en Dol,
 Pa voele'n escopti o col,
 A hanvas Gratiën escop.
 En Treg'er da c'houarn ar bobl.
 Gioar d'ar Verc'hes, etc.

Gratiën a c'houlennas neuse
 Permission ous ar roue
 Da chanch a blaç d'e escopti,
 Pa oa destrujet Lexobi.
 Gloar d'ar Verc'hes, etc.

Accordet oe dezàn ar c'hraç,
 En couent Treccor e chomas,

Feini, erve ma lenner,

Oa commancamant Landreg'er.

Gloar d'ar Verc'hes, etc.

An templ santel ar Gos-Yeaudet

A oe neuse abandonet;

Mes Doue ne dourvee get

E vize da vigen dilezet.

Gloar d'ar Verc'hes, etc.

Inspiret oe an otron Treg'er

Dà reformi an templ santel,

En avantach ar vretonet

En un tenzor caer ar Yeaudet.

Gloar d'ar Verc'hes, etc.

Eno ema ar guir sourcen,

Ha ne finisso birvigen;

Graçou divin demeus an ên

Evit ar c'horf hac an ene.

Gloar d'ar Verc'hes, etc.

Me ne sitan miracl ebet

Eus ar re so grêt er Goz-Yeaudet:

Eur mis antier nen deo netra

D'o raporti ha d'o scrifa.

Gloar d'ar Verc'hes, etc.

Er Yeaudet ez eus remejou

Ep mar ous pep sort clevejou;

Ous pep danjer ha pep annui,

Preservet eo nep a deui di.

Gloar d'ar Verc'hes, etc.

Mar re Doue d'ar c'horf yec'het;

Dre c'hrac ar Verc'hes ar Yeaudet.

E rê c'hoas d'an eneoù
Remission d'ar pec'hejou.
Gloar d'ar Verc'hes, etc.

Induljançou so accordet,
Perpetuite d'ar Gos-Yeaudet;
Ha d'o gonit cals a amzer,
Epad ar mis mae en antiér.
Gloar d'ar Verc'hes, etc.

Nombr a c'haçou so accordet
Dreist ar plagou all d'ar Yeaudet;
Epad eur mis cren ar pardon:
Demp da c'honit remission.
Gloar d'ar Verc'hes ar Goz Yeaudet,
Melodi d'he Mab beniget.

A M E N.

Lexovy. Coz-gueaudet. Kær distrujet, a behini an histo-
rianet cos a gomz. Bez oa situet diou léo a Lannion, hag a
so bet ar c'henta sich episcopal a Landreg'er, e peléc'h eut
bet daouzec escop ha tri-ug'ent; da lavaret eo, a dalec ar
c'henta cantvet, e pehini oe etablisset, bete an naovet, ma
oe distrujet ar gær-se gant an Danoais.

Remerq an Imprimer.

E Montroulez, e ti LÉDAN, e ru ar Vuz.